

臨

縣

志

臨縣志序

王映昌

作史有三長曰才學識修志有三要曰正虛公何謂正表端始可取影繩直始可度木品望不孚操斤輕運奚以中矩而中規何謂虛谷虛則響應器虛則受多是己非人先哲戒之矣何謂公衡平不畸軒輊鑒空不昧妍媸墜淵加膝使人眩於名實則孰是擯斥之不言怨榮錄之不言德者知此三要猶必以才學識濟之志豈易言修哉臨有舊志創於明逮清順治丙申雲間朱公痛甲申之變典籍無存懸金以募故紙掇拾於殘燼之中始克成書嗣是而康熙乙丑會稽莫公繼修之戊戌山陽楊公又修之朱莫二志已散佚不可復得今所存者惟楊志也計自順治丙申以迄康熙乙丑由乙丑以至戊戌近止三十年遠亦不及七十年時代未遙摭

拾猶易自戊戌及今已歷二百年桑海變更老成彫謝邑乘不具
國史又奚所取材雖光緒初樂亭左公夢卿權臨篆曾議重修縣
志虛懷下士並採封菲昌亦忝附末光蕭露方泥棠蔭旋移稿成
未及鐫梓終歸蠹化良可浩歎今幸民國成立政治刷新劭周胡
公紫雲之名宿也由京職外任慈惠廉明實心實政蒞臨甫周歲
閱邑志而慨然曰莫爲之前雖美弗彰莫爲之後雖盛弗傳今志
書失修二百年不爲賡續文獻奚徵爰集邑中紳衿廣爲採訪捐
廉與館敦請吳子敬夫纂修而以趙子午暉馮子儻三張子敬亭
趙子叔正佐之昌本耄荒亦與盛會受命以來小心惴惴所不敢
以年邁力倦辭者以昌與敬夫同肄業於令德堂曾侍臚齋王先
生之側惟時先生纂修通志得聞緒論因仿其義例立圖譜略考

後編五綱因綱分目參以舊志刪繁補缺期不背於先達是舉也
吳子敬夫實始終其事加以蒞周胡公之大筆鴻裁凡所以植經
常資保障徵實察風尚闡揚幽光鼓吹公國者胥於是乎在所
望自今以往人物繼出山川光曜傳乎大山城遠紹西河文獻之
盛軌昌老矣猶得僂兄弟子姪相與食德而飲和豈不懿歟是爲
序

中華民國六年八月

臣

鼎

示

月

述脩志

吳命新

文獻無徵二百年不才何敢任脩編授經幸有伏生老

王熾卿年近八旬精

神強健始終局事不勝倖存之幸

潤色誰如東里賢

趙午暉心思靜細馮備珊家學淵源余小有纂次不經兩君筆

削終覺弗安

蕭相藏書律令備

張敬亭改革以來充本縣司法記子昂畫

馬精神全

志書首圖通例也趙叔正實任其事不失松雪家法

掠來衆美成山志筆削且遲

班孟堅

此次部令脩志省長委郭允叔學長總核山西名縣志稿

志局偶成呈吳敬夫總纂

馮汝驤

文成紀事合編年義例商量下筆先長願尋碑隨屐後

縣城西門外二里許

高原有傳青圭先生題趙舉人祠墓碑敬公會約予偕訪

勝邀傾蓋話車前石渠南閣誇珍聚

角里東園喜袂連

在局同事敬公外有王熾卿世叔趙午暉張敬亭趙叔正諸硯兄熾老年望八旬尤鬚眉皓白

嘗肉自嫌知味淺爭如蜜食徹中邊

志書付印余任校勘書此述懷

疊前韻

前人

一編讐校頓經年博物名高愧茂先怕有遺珠沈海底好憑攻玉

對山前

局中收羅各志以康對山先生武功縣志爲最高簡

師承恪守王胡戴

謂顧齋研松東原諸先生

區畫申明軌里連

本年五月省頒山西縣地方設區暫行條例不久將實行編制

箸述由來千古

事相攜濯錦錦江邊

助款銜名

王恩潤 邑附貢

助大洋一百元

王祚昌 巡檢銜

助大洋九十元

周緝武

助大洋八十元

趙 暉 邑舉人

助大洋七十元

成國士 邑歲貢

助大洋七十元

王蓋臣 鹽大使銜

助大洋六十元

李帶芬 邑附貢

助大洋六十元

王道生 從九品銜

助大洋六十元

張 溫

助大洋六十元

高尙志 邑附貢

助大洋五十元

李鴻業

邑附貢

助大洋五十元

王嘉賓

邑庠生

助大洋五十元

陳思印

助大洋五十元

劉文煥

太學生

助大洋五十元

李隆英

邑武生

助大洋四十元

秦世澤

從九品銜

助大洋四十元

劉之麟

邑附貢

助大洋四十元

王邦俊

太學生

助大洋四十元

武象賢

助大洋四十元

白淑珉

太學生

助大洋三十五元

劉永隆

太學生

助大洋三十元

李盛德 太學生

趙丙辰 太學生

助大洋三十元

助大洋三十元

臨縣志卷十八

試署臨縣知事古黔胡宗虞監脩

山西大學校文科學長晉城郭象升審定

名宦錄第一

循吏有傳昉於馬遷志旣不敢同史則亦不必沿其例懼僭也臨在漢唐而上宰治茲土者姓字無徵金元以來州尹縣令學師縣尉代有循良雖其時報政稱最遺愛難忘閱世云遙流風頓歇不有志以記之得毋邈而難徵歟明末清初祀名宦者十二人謹依舊志悉爲編錄其自康雍以降迄乎同光二百年間又得良吏若而人摩挲殘碑詢訪故老不啻歌來暮而繫去思略考之後因先著錄名宦焉

元

馬麟至正二十六年當兵革之餘臨民蕩析離居公以諸軍奧魯知臨州開誠率物利用宜民創造房屋民免土崩之患振興學校士知科甲之榮政績相傳至今弗諼

明

張雲平谷縣舉人景泰四年蒞臨百廢俱興六事兼舉公庭息訟學校聿興廉潔無私政聲卓著吏畏其威民懷其德陞授濮州知州大同府知府臨民至今猶頌之

汪清固始縣人景泰間由進士授監察御史嚴毅剛正因忤權貴天順元年左遷臨縣知縣勸農桑立學校興水利減徭役除強梗旌善良凡有便於民者皆以次修舉後丁外艱去任士民送

之郊外涕泣言曰安得汪父母長撫我民也

高峻棠邑縣舉人明宏治四年知臨縣廉以持己嚴以絕私巡阡陌教農桑省里甲均徭役興學以造人材築隄以捍水患吏畏民懷至今稱之

李承嗣長安縣舉人正德十四年任臨縣知縣秉性節儉廉以蒞民歷官六載終始如一外和內剛安良除莠綽有古循吏風後擢陞鳳陽府通判霍州知州

任大伯華陰縣舉人嘉靖三十二年到任慎以持己仁以愛民勤以立政未幾改調士民感戴爲志德政記立去思碑

脫鎬新河縣舉人嘉靖三十七年蒞臨勤敏慈愛實政及民歷任四年繕城垣修河隄賑凶荒編保甲善政不勝枚舉又遷建學

宮俾臨地文明進化尤爲特舉有修學宮碑記

見營建考

賀定國河南獲嘉人嘉靖四十四年由舉人知縣事剛方持躬清白風世治邑如家愛民如子後陞徽州知州有德政思慕碑

陳舜道字希孟直隸新安人萬歷六年由貢監知臨縣事法度嚴明判斷敏決縣城東逼湫水衝決之患無歲無之前雖築隄砌石開渠引流終難獲永久之利公親詣踏勘度地相形計非用大石築基貫以鐵鈕厚其址高其隄不克障此狂瀾因規畫一切時日之限用度之數靡不計算周悉且夙夜程督始終無倦甫期月而隄成再逾歲而功就從此城無剝落之虞民獲安堵之慶邑人立德政碑於申明亭以誌不朽

張問行直隸邢臺人萬歷十八年由舉人蒞臨平易近人端方持

已在任五載諸多建置有功民社尋陞濟南府通判

諸葛昇浙江壽昌人萬歷四十五年由選貢知縣事風格清奇文詞俊逸惠政及民尤不勝殫述其最著者葺西城興水利俱有碑記可徵士民建生祠祀之

魏錫祚陝西固原人由貢監知縣事當崇禎六年臨城新復綠林四擾民若驚鴻公以身捍衛五載之間席不暇暖後致政告歸士民挽轅臥轍自城及鄉連絡不絕因爲建立生祠有去思詩詞至今傳誦

以上元明時名宦十二人康熙二十五年知縣莫友仁彙請
崇祀

聶聰曹縣人成化元年任教諭天性剛果潛心理學嚴以訓士放

臨縣志 卷之四
蕩必倣正直是與士風爲之一振

劉璿灤州人正德四年以知縣左遷教職廉靜寡欲以德化人崇尚禮義不計束脩繼陞遼東教授

王榮平順縣人萬歷十八年任訓導師範端嚴教規整肅勤課以督諸生蠲俸以恤寒士後陞大寧都司教授

侯有功遼州人天啓三年任訓導謙恭持己和厚接人道貌古心儒言法行綽有濂洛之風

清

張耀祖滿洲生員順治初蒞臨五年值姜瓖之變登城守禦賊大至圍城攻之急公曰此吾效命之秋也力守以死詔贈按察使僉事彙祀山西忠烈祠廕一子